

Vorred.

heit/alle ding (wie gemelt) in 6. tagen erschaffen hat/vnd Erstlich den Himel/vnd die Erdt/volgent's tag/vnd nacht/ auch das Meer / oder Wasser von dem Himel gescheiden vnd der Erdt darnach Grass/Kraut/Wurzen/vnd deren Somen/dem Ertrich zur zier an die befestigung der Himeln/vnd des Firmaments/die Sonn/ den Mon/vnd Sternen/gesetzt hat / auff das/dass Gefögel/Fisch/Wassertier/ sampt dem Gewirm/volgent's andre Tier/Kriechendt/Laufendt/vnd wie ein jecklich's/inn seiner art mag gesehen / die auff dem Erdpoden/vnd dorin jr wonung haben / Geschaffen hatt / Letztlich aber den Menschen/ vnd den gemacht nach der Figur/ vnd dem Bilde Gottes/doruff jme (dem Menschen) gewalt ober alles das/das vorhin durch sein Ewige Weisheit gemacht was/ dorzu auch verstand / vnd erkandtnis geben/ der Tugenten/Krefften/vnd wirkungen/aller vor erschaffnen / vnd gemachten dingen/derhalben derselbige Mensch/an Weisheit/vnd Bildnis Gott dem Herrn Enlich / vnd sehr gleich was (Ausgenommen der Ewigkeit/der Gottheit/vnd Almechtigkeit/die im Gott allein vorbehalten haben Gen. 1. wil) wie den der Herr selber rett/do er sagt/sihe Adam ist worden wie vnser einer/etc. Derhalben Adam aller dingen Natur/vnd Krafft / Ja auch jr art/vnd Eigenschafft/on zwifel gewist haben wirt/etc.

Als aber der Mensch/ durch die sündt/vnd vbersehung der Gepoten Gottes / den zorn des Herren / aus Ratt seines Weibs vnd der Schlangen auff sich geladen hatt/ist (wie auch das Alter) die konst vnd weisheit/mit der Stercke/vnd Grösse/bey den Nachkomlingen abgangen/also das die Krefte/vnd Höchsten Wirkungen/so in Kreitteren/ Steinen/ Metallen/ Tieren/vnd der gleichen dingen gesteckt/vns zum teyl verborgen/vnd Bnwissent worden/ jedoch allgemach / vnnd nahe / je jun zeitten durch die Güte Gottes/einem hie dem andern dort/widerumb derselbigen ein wenig mit gesteylt / vnd eröfnet worden ist / wie wir dasselbige durch deren Bücher/ so es in mancherley weys (Je zue vnderscheidenlichen zeitten) Beschriben haben/ wie sy dan noch vorhanden jnen worden sindt / Vnd was den Je welten har/also den Hochuerstendigen zu wissen worden/ das haben sy wie gesagt Luc. 10. in Schrifften hinder sich verlossen/vnd hatt ein jecklichen sein pfundt anlegen/vnd nit verbergen wollen/jedoch ist solchs in mancherley weis beschehen/ fürnemlich aber in drey weg/Erstlich in Carmen/Reymen / auff Metrischẽ grundt/zierlich/vnd Könflich/als die Poeten/die den Lauff der Welt/vnd alten vergangnen gschichten vnd tatten/sampt syelen Fablen / Gesezt vnd int Feder verfaßt haben (wie Strabo, Cicero, Plato, item Horatius, Democritus/vnd andre beweisen/das mancherley Poeten die warlich schöne bey-
1. lib. Strabo
Contra Eratoꝝ
Ithenem.

spiel / vnd fürtreffliche Geschichten zierlich beschriben haben/ als Moyses/ David/Salomon/ Item Apollo, Orpheus, Homerus, Hesiodus, Liuius Andronicus, Ouidius, Virgilius / vnnd andre deren on zal gewest sindt etc. deren etlich Carmina/Gesang/Historien/Fablen/Comedien/vnd der gleichen gedicht haben / ettlich das Heroicum / ettlich das Hexametrum ettlich